

JKP "Vodovod" d.o.o. Cazin

Broj: 5-1-2-8-03-Pon/19

Cazin, 30.10.2019. godine

Na osnovu članova 69. stav 2. tačka b) i 70. Zakona o javnim nabavkama Bosne i Hercegovine (Službeni glasnik BiH, broj 39/14), člana 33. Zakona o javnim preduzećima u Federaciji Bosne i Hercegovine (Službene novine Federacije, broj 8/05, 81/08 i 22/09), direktor JKP "Vodovod" d.o.o. Cazin, donosi

## **O D L U K U**

### **o poništenju postupka nabavke**

#### **Član 1.**

Poništava se konkurentski postupak nabavke robe – **LOT 1:** nabavka drvene građe, objavljen na portalu javne nabavke, broj obavještenja: 1169-7-1-264-8-34/19 od 30.10.2019. godine, jer jedina pristigla ponuda nije formalno-pravno ispravna niti prihvatljiva.

#### **Član 2.**

Ova Odluka objavit će se na web-stranici ugovornog organa [www.vodovodcazin.com](http://www.vodovodcazin.com), u skladu sa članom 70. stav 6. Zakona o javnim nabavkama.

#### **Član 3.**

Ova Odluka stupa na snagu danom donošenja.

### **O b r a z l o ž e n j e**

Preduzeće je dana 23.10.2019. godine na portalu javne nabavke objavilo obavještenje o nabavci robe: LOT 1 - nabavka drvene građe za potrebe rekonstrukcije krovova na izvorištu Vignjevići i prepumpnoj stanici Miostrah broj obavještenja: 1169-7-1-264-8-34/19.

Ugovorni organ je Tendersku dokumentaciju objavio na portalu, te u Izvještaju o preuzimanju tenderske dokumentacije stoji da je TD preuzelo 8 (osam) ponuđača.

Zahtjev za dostavu ponude upućeni su na adrese doo "BAJRAMOVIĆ" Cazin, doo "OMAL" Cazin, doo "IZUDIN" Bosanska Krupa.

Otvaranje ponuda je predviđeno za dan 30.10.2019. godine u 11:15, do roka određenog za dostavljanje na adresu Ugovornog organa pristigla je jedna ponuda.

Komisija je prilikom otvaranja ponuda utvrdila da ponuđač nije popunio Obrazac za cijenu ponude, u skladu sa tačkom 17. Tenderske dokumentacije, jer je upisao samo jedinične cijene ali ne i ukupnu cijenu po svakoj stavki bez PDVa. Pored navedenog nije upisao cijenu u Obrascu za dostavljanje ponuda Prilog 1. tačka 3, nije upisao valjan rok za važenje ponude u skladu sa tačkom 20. TD, nije ovjerio Izjavu iz člana 52. Zakona u skladu uslovima TD, nije zaokružio nijednu opciju kod preferencijala, nije dostavio Uvjerenje od Uprave za indirektno oporezivanje o izmirenim obavezama, niti kopiju ponude, ponuda nije ni uvezana u skladu sa zahtjevima TD, tako da je predložila da Ugovorni organ odbaci ponudu kao nepotpunu, u skladu sa članom 68. stav 4. tačka a) i i) Zakona, a u vezi sa članom 58. stav 1. tačka c) Zakona o javnim nabavkama.

Zbog naprijed navednog, odlučeno je kao u dispozitivu ove odluke.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi, putem JKP Vodovod d.o.o. Cazin, u roku od 5 dana od dana prijema ove Odluke.

Dostaviti:

- a/a



**Direktor**

.....  
Ibrahim Mujakić, ing.građ